



POTPISAN UGOVOR

Bosna Sunce osiguranje novi vlasnik Zovko osiguranja

Bosna Sunce osiguranje d.d. (BSO) potpisalo je ugovor o kupnji Zovko osiguranja d.d. za oko devet miliona KM i postalo je 100-postotni vlasnik tog osiguravajućeg društva. Slijedi postupak pripajanja Društva, koje je na tržištu Federacije Bosne i Hercegovine u 2016. godini zauzimalo peto mjesto u neživotnim osiguranjima sa oko 20 miliona KM premije i četvrto mjesto po broju polica autoodgovornosti s

ugovorenih oko 60.000 polica.

Zovko osiguranje osnovano je 2000. te je tokom godina bilježilo kontinuiran rast poslovanja, pa tako danas ima 13 podružnica i 73 prodajna mjesta u cijeloj Bosni i Hercegovini. Bosna-Sunce osiguranje ovom je akvizicijom napravilo značajan iskorak u širenju poslovanja i jačanju pozicije na tržištu osiguranja.

BSO, zajedno sa Euroherc osiguranjem, dio je Koncerna Agram, u kojem im se sada pridružilo i Zovko osiguranje. Kada se saberu premije ove tri kuće za prvih devet mjeseci ove godine, dođe se do iznosa od oko 95 miliona KM, što znači da ova tri osiguranja zajedno drže oko 26 posto tržišta osigurnja u Federaciji. Inače, osnivač i čelni čovjek Agrama je Dubravko Grgić.